

Юграын — Чериа гаж



Август 9-11-өд лунъясö Ханты-Манси (Югра) кытшса Белоярскöй районуысь Казым сиктын меститчöм этнографическöй парк-музейын паськöдчылис «Рыболовные традиции Югры» фестиваль. Котыртлисны тайö ыджыд гажсö Россия президентлөн грант выlö «Ильбигорская» вужвойтыр община да историко-культурнöй наследиелөн «Касум ёх» («Казымса йöз») шöрин.



Куим лун чöжөн фестиваль шымыртлис и фольклор, и мастеръяслысь вöчасян, и сёян-юан, и ворсан нырвизьяс, кодъяс йитчöмаöсь ас костаныс ханты войтырлөн чери кыян традиция-обрядкöд.

Фестивальлөн медшöр могыс — видзны да водзö сöвмöдны чери кыйöмкöд йитчöм удж. Тайö: и пыж вöчöм, и чери кыян эмбур дасьтöм, и ачыс кыянногыс, керöмыс да пуöм-пражитöмыс.

— *Гаж дырйи мужикулов дасьтисны-вöчисны важся-важся пыж — неводник (кык тоннаöдз кутö), кодөн öнi некод нин оз ветлы, — висьталö «Касум ёх» шöринөн веськöддысь Елена Федотова. — Ковмис корсьны-юасыны олöма йöзлысь, кыззи да мый. Ханты кывйöн сийö шусьö «саранхол» га вуждöдсьö кыззи «зыряна пыж», колöкö, татшöмнас буретши коми войтыр воывлисны. Тшöтш мужикулов га зонъяс вöчисны колданка пыж, ханты кывйöн шусьö — «хантыхол», öти морт и тöрö пыжас.*

Гаж дасьтысьяслөн нöшта öти ыджыд могөн вöли — пырдчывны чери кыйöмкöд йитчöм фольклорö. Сидз, медводдза лунас юргисны вежа сыланкывъяс. Öтиöс на пöвстысь сиймаöсь Хоймас енлы, Йинк-вэрту — васа енлы. Ханты серти, Хоймас олö ва вылын кыпöдöм керкаын да стружитчö, быд вöлалöм ёг усьö ваö да пöртсьö чериö, ичöt кө — посни чери чужö, ыджыд кө — гырысь. Обрядöвöй сыланкывсö петкöдлiгөн öти морт сылö, а мöдыс йöктигмоз петкöдлö — вöласьö да пыркöдö көсанас, татшöм ногөн жиннян шы улö чужöны черияс. Сы бöрын Хоймас ен ставныслы козыналö йöктöм, кодi вайö уна чери да кыйдöс. Вежа сыланкывсö сылöны тшöтш и Хоймас енлөн нывъясыс — Йинк вэрт эви. Найö видзöны ва вылын кыйсысь-уджалысь йöзöс. А козин пыдди сиктса-яс вайöны налы дöра да көрт сьöм.

— *Зэв нимкодь, мый фестиваль выlö волисны сиктса йöз, найö казтылисны, кыззи ёна водзын кыйлисны чери, кызд дасьтылисны кыйсян эмбур, юксисны чери кыйöмкöд йитчöм гусяторъяснас томуловкöд, — водзö висьталö Елена Федотова. — Гаж вылын уджалöмсö дасьтылим сидзи, медым быд кужысь мастерлөн вöли велöдчысь. Со 83 арöса Ак-*



синья Григорьевна Ерныхова — Россияса народной мастер — велодис гас вит мортос кыны сямодысь чери керан тасьтi — «сон». Сизэк, найо нин кутасны водзэ нуодны тайо уджсэ, велодны зонпосниос.

Куим луннад мыйсэ сөмын эз ло вочома фестиваль дырйи! И пыжъяс, и чери кыян быдсикас эмбурсэ, и чери керан тасьтi-пань, и чери кучикъсь сумка, и сувениръяс. Дерт жö, öти лун сиисны чериысь чöскыдсьыс-чöскыд вöлöга дасьтöмлы. Воом гöсьтъяслы ёна кажитчис дасьтыны-вöчны сёйысь пач — нянь кор (коми ногон, нянь пач). Чайтöм серти, ёна жö чöскыд татшöм пачысь сöмын на кыскöм пöсь черинянысь! А бипур вылын пусь юквалон чöскыд кöрыс да ыджыд черилон гырыся вундалöм торъясыс вель уна гöсьтöс номсöдлисны.



Галина МАКАРОВА.

Снимокъясыс vk.com/kvadrat_bel котырысь.

